



## XALQ DEPUTATLARI KONIMEX TUMANI KENGASHINING Q A R O R I

2024-yil 29-iyun

VI-79-114-5-70-K/24

Konimex tumani

### **O‘zbekiston Respublikasi Vazirlar Mahkamasining 2024-yil 9-fevraldagi 79-sonli qarori ijrosini ta’minlash to‘g‘risida**

O‘zbekiston Respublikasi Prezidentining 2024-yil 5-yanvardagi “Quyi bo‘g‘inda suv resurslarini boshqarish tizimini takomillashtirish hamda suv resurslaridan foydalanish samaradorligini oshirish chora-tadbirlari to‘g‘risida”gi PQ-5-son qarori bilan suv resurslaridan foydalanish samaradorligini oshirish, suvdan foydalanish madaniyatini yuksaltirish orqali aholi ongida shakllangan “suv-tekin” tushunchasidan voz kechish hamda suvni tejaydigan sug‘orish texnologiyalarini kengaytirilgan tartibda joriy etishni “Suv yetkazib berish xizmati” davlat muassasalari faoliyatini samarali yo‘lga qo‘yish va O‘zbekiston Respublikasi Vazirlar Mahkamasining 2024-yil 9-fevraldagi 79-sonli qarori ijrosini ta’minlash maqsadida O‘zbekiston Respublikasi Qonunining 6 va 24-moddalariga asosan xalq deputatlari Konimex tuman Kengashi,

### **QAROR QILADI:**

1. O‘zbekiston Respublikasi Vazirlar Mahkamasining 2024-yil 9-fevraldagi “Suv yetkazib berish xizmati” davlat muassasalari faoliyatini tashkil etish chora-tadbirlari to‘g‘risida”gi 79-sonli qaroriga muvofiq quyidagilar:

suv xo‘jaligi tashkilotlari tomonidan qishloq xo‘jaligi mahsulotlarini ishlab chiqaruvchilarga suv yetkazib berish xizmatlari uchun to‘lovlar bekor qilinganligi;

suv resurslaridan foydalanganlik uchun soliqlardan O‘zbekiston Respublikasi Davlat budjetiga tushgan tushumning 40 foizi suv yetkazib berish xizmatlari faoliyatini moliyalashtirish, ularga tegishli ob‘yektlarni saqlash va texnik holatini yaxshilash xarajatlariga yo‘naltirilishi;

Konimex tuman hokimligi 2024-yilgi tasdiqlangan mahalliy budjet daromadlari va xarajatlarini suv solig‘ining prognoz qilingan summasini 40 foizga teng miqdorda oshirish yuzasidan xalq deputatlari Konimex tuman Kengashiga;

suv solig‘i tushumi past bo‘lgan tumanda suv yetkazib berish xizmatlari xodimlari ish haqi va unga tenglashtirilgan to‘lovlarni amalga oshirish uchun yetishmaydigan mablag‘larni irrigatsiya bo‘limlarini saqlash xarajatlari uchun mahalliy budjetlarda ajratilgan mablag‘larni tuman budjetlari o‘rtasida qayta taqsimlash bo‘yicha Qoraqalpog‘iston Respublikasi Jo‘qorg‘i Kengesi va xalq deputatlari tuman Kengashiga taklif kiritish belgilanganligi ma’lumot uchun qabul qilinsin.

2. Xalq deputatlari Navoiy viloyati Kengashining 2023-yil 28-dekabrda VI-66-128-5-0-K/23-sonli qaroriga muvofiq, xalq deputatlari Konimex tumani Kengashining 2023-yil 29-dekabrda Konimex tumanining “2024-yilgi mahalliy budjetni tasdiqlash to‘g‘risida”gi VI-70-174-5-70-K/23-son qaroriga asosan 2-ilovasi bilan tasdiqlangan

2024-yil uchun budget daromadlarining mahalliy budgetlar o'rtasida taqsimlanishi bo'yicha ajratma me'yorlarida suv resurslaridan foydalanganlik uchun soliq tushumi tuman mahalliy budgeti o'rtasida teng ulushlarda taqsimlanishi belgilanganligi inobatga olinsin.

3. Xalq deputatlari Konimex tuman Kengashining 2023-yil 29-dekabrdagi VI-70-174-5-70-K/23-sonli qarorining 2-ilovasiga ko'ra suv resurslaridan foydalanganlik uchun soliq to'loviga (qishloq xo'jaligiga mo'ljallangan yerlarni sug'orish va baliqlarni yetishtirish (o'stirish) uchun foydalanilgan suv hajmi, shu jumladan, dehqon xo'jaliklari va qishloq xo'jaligiga mo'ljallangan yerlarga ega bo'lgan jismoniy shaxslar uchun suv resurslaridan foydalanganlik uchun soliq) belgilangan prognoz ko'rsatkichi 40 foizga oshirilsin.

Bunda, ushbu prognoz ko'rsatkichini oshirilishida qishloq xo'jaligi korxonalari uchun yil davomida suv yetkazib berish hajmini oshirilishi ko'zda tutilganligi inobatga olinsin.

4. "Suv yetkazib berish xizmati" davlat muassasalari faoliyatini moliyaviy ta'minlash maqsadida suv solig'ining prognoz qilingan summasini 40 foizga oshirilishi hisobiga tuman mahalliy budgetining 2024-yil uchun belgilangan daromadlari va xarajatlari miqdori ilovaga muvofiq tasdiqlansin.

5. Konimex tuman Iqtisodiyot va moliya bo'limi boshlig'i (I.Beknazarov), Quyi Zarafshon irrigatsiya tizimlari xavza boshqarmasi Konimex tuman Suv yetkazib berish xizmati DM rahbari (M.Usmanbayev), Konimex tuman G'aznachilik xizmati bo'limi boshlig'i (Y.Yelibayev) bilan birgalikda qishloq xo'jaligi korxonalarining suv resurslaridan foydalanganlik uchun soliq to'lovidan tuman mahalliy budgetiga haqiqatda kelib tushgan mablag'larni 40 foizini har oy yakuni bo'yicha belgilangan muddatlarda tegishli hududlar "Suv yetkazib berish xizmati" davlat muassasalarining budgetdan tashqari g'azna hisobvarag'iga o'tkazib borilishini ta'minlasinlar.

6. Konimex tuman hokimligi 2024-yilgi tasdiqlangan mahalliy budget daromadlari va xarajatlarini suv solig'ining prognoz qilingan summasini 40 foizga teng miqdorda oshirish yuzasidan xalq deputatlari Konimex tuman Kengashiga taklif kiritish va tegishli qaror qabul qilinishini ta'minlasin.

7. Konimex tuman Iqtisodiyot va moliya bo'limi boshlig'i (I.Beknazarov), Quyi Zarafshon irrigatsiya tizimlari xavza boshqarmasi Konimex tuman Suv yetkazib berish xizmati DM rahbari (M.Usmanbayev), O'zbekiston Respublikasi Vazirlar Mahkamasining 2024-yil 9-fevraldagi 79-sonli qarori bilan tasdiqlangan nizom asosida suv yetkazib berish xizmatlari faoliyatini moliyalashtirish, bunda suv solig'ining haqiqatda kelib tushgan tushumlaridan kelib chiqqan holda hamda suv solig'i tushumi past bo'lgan tuman suv yetkazib berish xizmati xodimlari ish haqi va unga tenglashtirilgan to'lovlarni amalga oshirish uchun yetishmaydigan mablag'larni irrigatsiya bo'limlarini saqlash xarajatlari uchun mahalliy budgetdan ajratilgan mablag'larni tuman budgeti o'rtasida qayta taqsimlash bo'yicha xarajatlar smetasiga tegishli o'zgartirishlar kiritib borsin.

8. Konimex tuman soliq inspeksiyasi (R.Tursunov) Quyi Zarafshon irrigatsiya tizimlari xavza boshqarmasi Konimex tuman Suv yetkazib berish xizmati DM rahbari (M.Usmanbayev), tegishli tuman hokimligi bilan birgalikda qishloq xo'jaligiga mo'ljallangan yerlarni sug'orish va baliqlarni yetishtirish (o'stirish) uchun foydalanilgan suv hajmi, shu jumladan, dehqon xo'jaliklari va qishloq xo'jaligiga mo'ljallangan yerlarga ega bo'lgan jismoniy shaxslar uchun suv resurslaridan foydalanganlik uchun soliq to'lovlari belgilangan muddatlarda undurish choralari ko'rsinlar.

9. Davlat moliyaviy nazorati inspeksiyasi Navoiy viloyati boshqarmasi (O.Rabbimov) "Suv yetkazib berish xizmati" davlat muassasalariga ajratilgan mablag'larni maqsadli sarflanishi ustidan tizimli ravishda nazorat o'rnatish.

10. Mazkur qaror bajarilishini nazorat qilish xalq deputatlari tuman Kengashining "Mahalliy budget, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha" doimiy komissiyasi (A.Xudayberdiyev) hamda tuman hokimining o'rinbosari (U.Saitov) zimmasiga yuklansin.

Kengash raisi



RO‘ZIYEV RUSLAN  
NASIROVICH

Xalq deputatlari Konimex tumani Kengashining  
2024-yil 29-iyundagi  
VI-79-114-5-70-K/24 -son qaroriga  
1-ilova

**“Suv yetkazib berish xizmati” davlat muassasalari faoliyatini moliyaviy ta’minlash maqsadida suv solig‘ining prognoz qilingan summasini 40 foizga oshirilishi hisobiga tuman mahalliy budjetining 2024-yil uchun belgilangan daromadlari va xarajatlari miqdori**

| T/r | Tuman mahalliy budjetining daromadlari<br>(ming so‘m) |                                       |   |  | Tuman mahalliy budjetining xarajatlari<br>(ming so‘m)   |  |
|-----|---|---------------------------------------|---|--|---|--|
|     | Daromad turlari                                       | Yil boshida<br>belgilangan<br>prognoz | VM-79-son<br>qarorga asosan<br>oshirilgan<br>prognoz miqdori<br>(40 foiz) | 2024-yil uchun<br>aniqlagan<br>prognoz | Hududiy budjet mablag‘i<br>taqsimlovchisi nomi  | Konimex tuman “Suv<br>yetkazib berish<br>xizmati” davlat<br>muassasasi<br>faoliyatini<br>moliyalashtirish<br>xarajatlari |
| 1   | Suv resurslaridan<br>foydalanganlik<br>uchun soliq    | 9 117 000,0                           | 1 094 000,0   | 10 211 000,0                           | Quyi Zarafshon irrigatsiya<br>tizimlari xavza boshqarmasi<br>Konimex tuman Suv<br>yetkazib<br>berish xizmati DM | 1 094 000,0  |

*Izoh: Konimex tumandagi qishloq xo'jaligiga mo'ljallangan yerlarni sug'orish va baliqlarni yetishtirish (o'stirish) uchun foydalanilgan suv hajmi, shu jumladan, dehqon xo'jaliklari va qishloq xo'jaligiga mo'ljallangan yerlarga ega bo'lgan jismoniy shaxslar uchun suv resurslaridan foydalanganlik uchun soliq to'lovlari inobatga olingan.*

*Quyi Zarafshon irrigatsiya tizimlari xavza boshqarmasi Konimex tuman Suv yetkazib berish xizmati DMga suv resurslaridan foydalanganlik uchun soliq to'lovidan haqiqatda kelib tushgan tushumlarni inobatga olgan holda belgilangan muddatda "Suv yetkazib berish xizmati" davlat muassasalarining alohida ochilgan hisob raqamlariga o'tkazib boriladi.*